

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove




Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

1581

260

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-02451/19
Sarajevo, Maj 27. 2019. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(na pažnju, predsjedavajućeg, Elmedina Konakovića)

Predmet: *Odgovor na zastupničko pitanje broj: 01-05-18645-45/19 od 15.05.2019. godine postavljeno od strane zastupnice Smiljane Viteškić - dostavlja se;*

Kantonalna uprava za inspekcijske poslove Kantona Sarajevo, dana 24.05.2019. godine zaprimila je zastupničko pitanje postavljeno od strane zastupnice Smiljane Viteškić na Osmoj radnoj sjednici Skupštine Kantona Sarajevo, održanoj dana 14.05.2019. godine u okviru tačke Dnevnog reda Poslanička /zastupnička pitanja, inicijative i odgovori, a u skladu sa Poslovníkom Skupštine Kantona Sarajevo koje glasi:

- Da li su u toku aktivnosti na deratizaciji u Kantonu Sarajevo, a u skladu sa Programom izvođenja obavezne preventivne systemske deratizacije na području Kantona Sarajevo 2017.-2019.?
- Da li su urađene sve ciljane aktivnosti Prve operativne deratizacije?
- Da li će aktivnosti na preventivnoj, proljetnoj deratizaciji biti završene do planiranog 30.05.2019.?



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U vezi s postavljenim pitanjem, dostavljamo slijedeći

O D G O V O R :

"Sanitacija" d.o.o. Sarajevo, društvo za sanitarnu i ekološku zaštitu, dana 05.04.2019 godine dostavila je kantonalnoj sanitarnoj inspekciji Obavijest broj: 15-04/19 od 03.04.2019. godine da će na osnovu potpisanog Okvirnog sporazuma broj: 10-14-33093/17 od 09.11.2017. godine, započeti pružanje usluga operativne proljetne faze obavezne preventivne sistematske deratizacije na području Kantona Sarajevo za 2019. godinu.

U navedenom aktu stoji da će pripremna faza započet od 08.04.2019. godine, te da je početak izvođenja sistematske deratizacije planiran za 15.04.2019. godine.

Pored navedenog akta, Sanitacija dd Sarajevo, kantonalnoj sanitarnoj inspekciji je blagovremeno dostavljala i Operativni plan izvršavanja obavezne proljetne preventivne sistematske deratizacije na području Kantona Sarajevo sa tačno naznačenim lokacijama i vremenom u kojem će se deratizacija vršiti.

Stručni nadzor nad provođenjem ugovorenih usluga vršila je Javna ustanova Zavod za javno zdravstvo Kantona Sarajevo (higijensko-epidemiološka služba), a upravni nadzor shodno Odluci o vršenju usluga obavezne proljetne preventivne sistematske deratizacije na području Kantona Sarajevo za 2019. godine donesenoj od strane Ministarstva zdravstva Kantona Sarajevo broj: 10-01-14485-1/19 od 01.04.2019. godine vršila je kantonalna sanitarna inspekcija.

Prije početka izvršavanja usluga sistematske deratizacije, pružalac usluga "Sanitacija" d.o.o. Sarajevo je dana 08.04.2019.godine započela sa izvršavanjem procjene štetnosti infestacije glodara za devet općina na području Kantona Sarajevo.

Procjena infestiranosti okončana je 12.04.2019.godine i ubilježena u monitoring listama. Izvršeno je pravovremeno oglašavanje i upoznavanje građana i javnosti o sistematskoj deratizaciji putem medija i putem plakata.

Dana 15.04.2019. godine počelo je provođenje proljetne sistematske deratizacija u skladu sa operativnim planovima na području Kantona Sarajevo u svih devet općina.

Operativni planovi za sve općine dostavljani su sanitarnoj inspekciji najkasnije tri dana prije početka obavljanja sistematske deratizacije.

Lokacije koje su bile predmetom rada bile su ranije isplanirane sa tačnim datumima i vremenskim intervalima za obradu.

Do dana 28.05. 2019. godine u skladu sa Operativnim planom izvršena je deratizacija javnih površina i javnih dobara na području Kantona Sarajevo u svih devet općina u planiranom roku. Posljednja sedmica (do 31. maja 2019. godine) je ostavljena za provođenje korektivnih mjera.

Deratizacija je vršena prvenstveno na otvorenim i zatvorenim vodotocima, parkovima, grobljima, objektima koji nisu privedeni urbanističkoj namjeni, saobraćajnicama, mostovima, otvorenim i



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

zatvorenim parkiralištima, trgovima, javnim nužnicima, oko odlagališta smeća (kontejnera) i drugim javnim mjestima na kojima postoji mogućnost zadržavanja i razmnožavanja glodara, poredanih po prioritetima kao i drugim mjestima koja su locirana i predložena od građana Kantona Sarajevo.

Sve aktivnosti u provođenju deratizacije vršili su timovi društva Sanitacija d.o.o. Sarajevo (tim su sačinjavala dva uposlenika - sanitarni tehničar i sanitarni inženjer.) Na terenu je dnevno bilo od tri do pet timova - uposlenika navedenog društva.

Proljetna sistematska deratizacija u pogledu stručnog nadzora praćena je od predstavnika JU Zavod za javno zdravstvo Kantona Sarajevo, dok je sanitarna inspekcija vršila nadzor nad prostorom, opremom i kadrom izvođača radova kao i nadzor nad radom timova na terenu, a sve u skladu sa ranije dostavljenim operativnim planom.

Nakon što deratizacija bude završena, sačinit će se detaljan izvještaj koji će sadržavati aktivnosti svih učesnika u postupku deratizacije.

U toku rada uposlenici Sanitacija d.o.o. Sarajevo su pozitivno reagovali na sve primjedbe i prijedloge dostavljene kako na sedmične izvještaje tako i na operativni dio sa aspekta vremenskih uslova i lokacija koje su bile predmetom rada.

S poštovanjem,

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb